




## ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌՈՒՄ

### ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՑ ԳԵՐՄԱՆԻԱՅԻ ԴԵՍՊԱՆՆՆ

Հունիսի 7-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Հայաստանում Գերմանիայի Դաշնային Հանրապետության արտակարգ և լիազոր դեսպան Հանս- Վուլֆ Բարթելսին:

Նորին Սրբությունը ողջունեց դեսպանի անդրանիկ այցը Մայր Աթոռ Նշեյով, որ Ս. Էջմիածինը համագործակցում ու ջերմ հարաբերությունների մեջ է Հայաստանում դիվանագիտական առաքելությունների և մասնավորապես Գերմանիայի դեսպանապարան հետ:

Վեհափառ Հայրապետն ասաց, որ առանձնակի ջերմությամբ է վերհիշում Գերմանիայում իր ուսման և հոգևոր սպասավորության չորս փարիները և առանձնակի երախտագիտություն է փաժում գերմանական ժողովրդի ու պետության հանդեպ Հայ Եկեղեցու նկատմամբ ունեցած բարի ու մարդասեր վերաբերմունքի համար: Ինչպես փեղեկացրեց Նորին Սրբությունը, այսօր էլ Ս. Էջմիածնի և Գերմանիայի կրոնական կազմակերպությունների միջև առկա են սերտ կապեր, որոնք ընդգրկում են ինչպես միջեկեղեցական, այնպես էլ բարեսիրական ու կրթական ոլորտները:

Շնորհակալություն հայտնելով ընդունելության համար, պրն Բարթելսը հավաստեց, որ իր առաքելության ընթացքում ամեն ինչ կանի երկու երկրների և Եկեղեցիների միջև սրբեկցված ջերմ հարաբերությունների զարգացման համար:

## ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՅ ՉԻՆԱՍՏԱՆԻ ԽՈՐՀՐԴԱՐԱՆԱԿԱՆ ՊԱՏՎԻՐԱԿՈՒԹՅԱՆԸ

Հունիսի 8-ին Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց Չինաստանի Ժողովրդական Հանրապետության Ժողովրդական ներկայացուցիչների համաչինական ժողովի մշտական կոմիտեի փոխնախագահ Թիմուր Դավամաթի գլխավորած պատվիրակությանը՝ ՀՀ ԱԺ փոխնախագահ Տիգրան Թորոսյանի ուղեկցությամբ:

Հանդիպման ընթացքում զրուցակիցներն անդրադարձան հայ-չինական դարավոր բարեկամությանը՝ միաժամանակ արձանագրելով բարեկամական կապերի նորոգյա զարգացումները: Վերջինիս առիթով հայտնելով իր ուրախությունը, հայոց Հայրապետը նշեց, որ Չինաստանը եղել է հայ ժողովրդի պատմական գաղթօջախներից մեկը, ուր հայերը կառուցել են հայկական եկեղեցիներ, դարձել չինարեն Աստվածաշնչի առաջին հրապարակիչները:

Զրույցի ընթացքում Նորին Սրբությունը հյուրերին ներկայացրեց հայ ժողովրդի կյանքում Եկեղեցու ունեցած պատմական դերն ու առաքելությունը, անդրադարձավ խորհրդային տարիներին կրած դժվարություններին ու Եկեղեցու ներկայիս վերագաղթունքին:

Իր հերթին պրն Դավամաթը Վեհափառ Հայրապետին ներկայացրեց Չինաստանի կրոնական կյանքը՝ նշելով, որ բազմակրոն բնակչություն ունեցող իր երկրում հարգված ու ստանալիք է պաշտպանված է հավատքի ազատությունը: Պրն Դավամաթը կարևոր նկատեց ժողովրդի պատմական ու մշակութային արժեքների պահպանումը՝ հիացմունք արտահայտելով Ս. Էջմիածնի ու հայկական ճարտարապետական կառույցների նկատմամբ:

## ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՅ ԿԱՐԴԻՆԱԼ ԹԵՈԴՈՐ ՄԱՔ ՔԱՐԻԿԻՆ

Հուլիսի 1-ին Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց մեկօրյա այցով հայաստանում գտնվող Վաշինգտոնի Արքեպիսկոպոս, Կաթողիկոսության ծառայության (CRS) խորհրդի անդամ կարդինալ Թեոդոր Մաք Քարիկին և նրա ուղեկիցներին՝ Կաթողիկոսության ծառայության գործադիր փոխպնօրեն հայր Ուիլյամ Նեդլին և կազմակերպության Եվրոպական ու Կովկասյան գրասենյակների ղեկավարներին:

Հանդիպման ընթացքում հյուրերը Վեհափառ Հայրապետին ներկայացրին Կաթողիկոսության ծառայության գործունեության հիմնական ուղղությունները Հա-



յասարանում և Լեռնային Ղարաբաղում՝ արտահայտելով իրենց բարի կամեցողությունը փարաձաշրջանում խաղաղության հաստատման համար:

Նորին Սրբությունը կարևոր նկատեց կազմակերպության օժանդակությունը հայ ժողովրդին: Վեհափառ Հայրապետն իր շնորհակալությունը հայտնեց նաև բարի կամքի դրսևորման համար՝ նշելով, որ հակամարտության խաղաղ կարգավորումը հայ ժողովրդի մեծագույն ցանկությունն է:

## **ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՅ ԱՊԿ ԵՐԿՐՆԵՐԻ ԱՌՈՂՋԱՊԱՀԱԿԱՆ ԽՈՐՀՐԴԻ ՊԱՏՎԻՐԱԿՈՒԹՅԱՆԸ**

Նույիսի 2-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց ԱՊԿ երկրների առողջապահական խորհրդի պարվիրականությանը՝ խորհրդի նախագահ, ՌԴ առողջապահության նախարար Յու. Շևչենկոյի գլխավորությամբ:

Հանդիպման ընթացքում խոսվեց ինչպես առողջապահական ոլորտի, այնպես էլ Եկեղեցու կարևոր առաքելության մասին, որ մի դեպքում մարդուն պարզևում է ֆիզիկական և մյուս դեպքում՝ հոգևոր առողջություն: Այս առիթով Վեհափառ Հայրապետը բարձր գնահատեց առողջապահական ոլորտի սպասավորների աշխատանքը՝ մաղթելով հաջողություն բոլոր բարի նախաձեռնությունների մեջ:

Զրույցի ընթացքում Վեհափառ Հայրապետն անդրադարձավ նաև Մայր Աթոռ Ս. Էջմիածնի պարամությանը, ներկայացրեց Հայ Եկեղեցու ներկայիս գործունեությունն ու խնդիրները:

## **ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՅ ՎԱԼՏԵՐ ՇՎԻՄԵՐԻՆ**

Նույիսի 9-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Եվրոպայի խորհրդի գլխավոր քարտուղար Վալտեր Շվիմերին:

Վեհափառ Հայրապետը պրն Շվիմերին ներկայացրեց Հայոց հոգևոր կենտրոն Մայր Աթոռ Ս. Էջմիածնի 1700-ամյա պարամությունը, անդրադարձավ Հայ Եկեղեցու ներկայիս խնդիրներին:

Նորին Սրբությունը մասնավորապես իր գոհունակությունը հայտնեց Եվրոպայի խորհրդին, որ գորակցում է հայ ժողովրդին, նպաստում Հայաստանի փրկության և սոցիալական զարգացմանը և ժողովրդավարական արժեքներն ամրագրում հայոց կյանքում:

Զրույցի ընթացքում անդրադարձ եղավ Հայաստանի Հանրապետությունում գործող խղճի ազդեցության և կրոնական կազմակերպությունների մասին օրենքին: Այս

առնչությամբ Վեհափառ Հայրապետը՝ նշեց, որ Եվրոպայի խորհրդի պահանջները սխալ ընկալում ու մեկնաբանություն են ունենում և հաճախ դժվարություններ հարուցում Հայ Առաքելական Եկեղեցու ազատ գործունեության համար:

Հանդիպմանը խոսվեց նաև Լեռնային Ղարաբաղի հակամարտության խաղաղ կարգավորման անհրաժեշտության մասին:

Պրն Վալտեր Շվիմերն իր երախտագիտությունը հայտնեց ընդունելության համար՝ նշելով, որ քաջարեղյակ է Հայ Առաքելական Եկեղեցու գործունեությանը, և որ անցյալ փարի Եվրոպայի խորհրդում ևս նշվել է Հայաստանում քրիստոնեության պեղական կրոն հռչակման 1700-ամյակը:

ՄԱՅՐ ԱԹՈՈ Ս. ԷԶՄԻԱԾՆԻ  
ՏԵՂԵԿԱՏՎԱԿԱՆ ՀԱՄԱԿԱՐԳ